

ՀՀ ֆինանսների նախարարություն

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 1/1

13 հունվարի 2015 թ.

Քննարկվեց «Անարնելս» ՍՊԸ 12.12.2014 թ-ի գանգատը ՀՀ ՖՆ Սևանի ՏՀՏ պետի 22.10.2014 թ-ի թիվ 170 որոշման դեմ:

«Անարնելս» ՍՊԸ գանգատում բերված փաստարկները.

2012 թ-ին Գեղարքունիքի մարզպետարանի կողմից հայտարարվել է մրցույթ՝ Ծովագյուղի համայնքի միջնակարգ դպրոցի հիմնարոտում համար, որի արժեքը կազմել է 180.000.000 դրամ: «Անարնելս» ՍՊԸ-ն մրցույթը շահել է 160.000.000 դրամով, նախատեսելով 4% շահույթ: Մարզպետին փոխելու պատճառով, նորանշանակ մարզպետը 2012 թ-ի դեկտեմբեր ամսվա կատարված աշխատանքների կատարողականից հանել է 20.000.000 դրամ:

ՀՀ ՊԵԿ նախագահի 2013 թ-ի թիվ 1008660 հանձնարարագրի համաձայն «Անարնելս» ՍՊԸ-ում կատարվել է ստուգում, հիմնականում ԱԱՀ-ի հետ առնչվող գործունեության մասով: Միաժամանակ պետք է կատարվեր շահութահարկի ստուգումը, որը Սևանի ՏՀՏ ներկայացուցիչների կողմից չի կատարվել, չնայած նրան, որ այն նախատեսված էր հանձնարարագրով: Ստուգումից հետո պարզվել է, որ ընկերությունում առաջացել է 6.171.860. դրամի հարկային պարտավորություն:

Ընկերությունը գտնվելով ծանր ֆինանսական վիճակում Սևանի ՏՀՏ ղեկավարության միջնորդությամբ բանկից վերցրել է վարկ և մարել նշված հարկային պարտավորությունը:

2014 թ-ի 2-րդ եռամսյակում ՀՀ ֆինանսների նախարարության ստուգման արդյունքում կազմված ակտով ևս առաջադրվել է 1.800.000 դրամի պարտավորություն:

ՀՀ ֆինանսների նախարարի 20.06.2014 թ-ի թիվ 5010136 հանձնարարագրի համաձայն կատարվել է ստուգում հիմնականում շահութահարկի գծով: Ստուգմամբ առաջադրվել է 4.038.943 դրամի հարկային պարտավորություն: Ստուգման ընթացքում գտնվելով ընտանեական ծանր պայմաններում ընկերությունը խնդրել է, որպեսզի ստուգումը հետաձգվի, սակայն Սևանի ՏՀՏ-ի կողմից խնդրանքը մերժվել է: Ստուգմամբ պարզվել է, որ ընկերությունը ունի հաշվապահական փաստաթղթերի պակաս, որոնք 2013 թ-ի ստուգման ժամանակ առկա են եղել: Այդ ընթացքում կատարվել են մի քանի ստուգումներ, որոնց հիման վրա կազմվել են ակտեր:

Գանգատաբերը խնդրում է ուշադրություն դարձնել ընկերության ֆինանսական շարժի վրա և եզրակացնել, թե արդյոք կարող էր առաջանալ 4.038.943 դրամի շահութահարկ:

Գանգատում բերված տվյալներից հետևում է, որ ընկերությունը 180.000.000 դրամի հիմնանորոգման աշխատանքները կատարել է 77.200.000 դրամով, իսկ շահույթը նախատեսվել է 4%: Նշվածից հետևում է, որ Սևանի ՏՀՏ ստուգողների կողմից առաջադրված շահութահարկի գումարը չէր կարող գոյանալ:

Ելնելով վերոգրյալից՝ ընկերությունը խնդրում է հաշվի առնել, որ չի ունեցել հաշվապահ, փաստաթղթերը գտնվել են տարբեր վայրերում, որոնք վերջի ստուգման ժամանակ չեն հայտնաբերվել՝ առաջացնելով 4.038.943 դրամի շահութահարկ, ինչպես նաև այն, որ ընկերությունը 2012 թ-ից չի աշխատում և ունի ժամկետանց վարկային պարտավորություններ, և չեղյալ համարել 4.038.943 դրամի շահութահարկը:

«Քինանսների նախարարության հարկային և մաքսային մարմինների գանգատարկման հանձնաժողովի եզրակացությունը».

«ՖՆ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ «ՖՆ Սևանի ՏՀՏ պետը, քննարկելով «Անարնելս» ՍՊԸ-ի (այսուհետ նաև ընկերություն) վերաբերյալ վարչական վարույթի նյութերը պարզել է, որ 21.10.2014 թ-ի դրությամբ ընկերության չկատարված հարկային պարտավորությունները կազմում են 4.509.651 դրամ, որից ԱԱՀ-ի գծով՝ 432.550 դրամ, շահութահարկի գծով 3.591.761 դրամ, պետական տուրքի գծով 1.600 դրամ, ստուգման ակտի 10 տոկոս 433.740 դրամ և «Դրամարկղային գործառնությունների մասին» ՀՀ օրենքի պահանջները խախտելու համար տուգանք՝ գումարով 50.000 դրամ: Արդյունքում, ղեկավարվելով «Հարկերի մասին» ՀՀ օրենքի 29.1 հոդվածի և «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 88-րդ հոդվածների դրույթներով ՀՀ ՖՆ Սևանի ՏՀՏ պետի կողմից 22.10.2014 թ-ին ընդունվել է թիվ 170 որոշումը (այսուհետ՝ Որոշում) «Անարնելս» ՍՊԸ-ից 4.038.943 դրամ պարտավորության գումար գանձելու վերաբերյալ:

Նախ հարկ է նշել, որ ընկերության գանգատով բերված պահանջը՝ 4.038.943 դրամի շահութահարկը չեղյալ համարելու վերաբերյալ, ըստ էության, հիմնավոր չէ, քանի որ 4.038.943 դրամի մեջ շահութահարկի գծով պարտավորությունը կազմում է ընդամենը 3.591.761 դրամ: Պարտավորությունների մնացած մասը, ինչպես որ նշված է Որոշման մեջ, դրանք ԱԱՀ-ի, պետական տուրքի և ստուգման ակտի 10 տոկոսի գծով են:

Որոշմամբ ԱԱՀ-ի գծով գանձման առաջադրված 432.550 դրամը հաշվարկվել է 2013 թ-ի հոկտեմբեր-դեկտեմբեր ամիսների համար ընկերության կողմից ներկայացված ԱԱՀ-ի հաշվարկներում արտացոլված ԱԱՀ-ի գումարների, ինչպես նաև դրանք սահմանված ժամկետում չվճարելու համար հաշվարկված տույժերի հիման վրա:

Շահութահարկի գծով պարտավորությունները հաշվարկվել են ընկերության կողմից 2013 թ-ի համար ներկայացված շահութահարկի հաշվարկի, Սևանի ՏՀՏ 30.09.2014 թ-ի թիվ 5010136 ակտով առաջադրված գումարների և դրանք սահմանված ժամկետում չվճարելու համար հաշվարկված տույժերի հիման վրա: Սևանի ՏՀՏ 30.09.2014 թ-ի թիվ 5010136 ակտով գանձման են առաջադրվել նաև 433.740 դրամ (ստուգման ակտի 10 տոկոս) և «Դրամարկղային գործառնությունների մասին» ՀՀ օրենքի պահանջները խախտելու համար առաջադրված տուգանքը՝ գումարով 50.000 դրամ:

Քննարկվող դեպքում, ըստ էության, ընկերության գանգատը վերաբերվում է Սևանի ՏՀՏ 30.09.2014 թ-ի թիվ 5010136 ակտով գանձման առաջադրված

գումարներին, մասնավորապես՝ շահութահարկի գծով առաջադրված պարտավորությանը: Սակայն, Հանձնաժողովն իրավասու չէ անդրադառնալ Սևանի ՏՀՏ 30.09.2014 թ-ի թիվ 5010136 ակտով առաջադրված պարտավորությունների հիմնավորվածությանը, քանի որ ընկերության կողմից բաց է թողնվել նշված ակտը բողոքարկելու ժամկետը, որի հետևանքով այն դարձել է անբողոքարկելի վարչական ակտ:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով Հանձնաժողովը

ո Ր Ո Շ Ո Ւ Մ Է՝

ՀՀ ՖՆ Սևանի ՏՀՏ պետի 22.10.2014 թ-ի թիվ 170 որոշումը թողնել անփոփոխ, իսկ գանգատը՝ մերժել:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել ՀՀ վարչական դատարան:

Հանձնաժողովի նախագահ՝



Վ.ՄԻՐՈՒՄՅԱՆ